



KOMUNIKADO PA PRENSA

Tur motosaikel, ku ta na turno pa kùr te ku 13 febrüari, mester bin kùr dlanan 6, 7, òf 8 di febrüari 2019

Willemstad – Servisio pa Tráfiko i Transporte (UOVV) huntu ku Kuerpo Polisial Kòrsou ta anunsia na tur doño di motosaikel, ku mester a kùr entre 25 di yanüari 2019 pa 13 di febrüari 2019, por bin kùr esaki riba dlanan 6, 7, òf 8 di febrüari 2019 awor sin ku mester tin sita. Di e forma aki, UOVV ta alkansá e retraso ku a akumulá debí na e medida tumá dia 25 di yanüari último di no kùr niun motosaikel pendiente un análisis interno.

Proseso pa kùr motosaikel

E proseso pa kùr motosaikel lo tuma lugá bou di guia di polis. Na momentu ku identifika un motosaikel ku su number di identifikashon di vehíkulo (VIN), ta mustra señalnan di por ta hòrta òf ta falsu, mesora polis ta kontrolá den e registro di vehíkulonon hòrta. Si resultá ku e motosaikel ta hòrta, ta konfiská esaki mesora. Asta si esaki a yega di kùr den pasado. Ta kuminsá un investigashon hudisial pa ladronisia. Si resultá ku e motosaikel no ta hòrta, pero e VIN no ta di e fabrikante di e vehíkulo ta pone un seyo na e VIN i esaki por kùr sin problema. E seyo ta pa sòru ku e motosaikel ta rekonosibel i por kùr siguiente despues sin problema.

Lo kùr motosaikel riba djaweps, entrante 14 di febrüari

Despues di dia 8 febrüari 2019, lo kuminsá kùr motosaikel solamente riba djaweps. Esaki debí na e maneho nobo di UOVV huntu ku KPC ku ta kuminsá kùr motosaikel solamente riba djaweps den presensia di polis segun e proseso ya menshoná. Riba djaweps 14 di febrüari próksimo, motosaikelnan ku ta na turno por bin kùr. Pa esaki mester tin sita reglá adelantá via un number spesial ku UOVV a pone disponibel pa traha sita solamente pa motosaikel.

Pues tur motosaikel ku no tin sita ainda i/òf tin sita traha kaba pa kùr dia 15 febrüari 2019 por yama e number speshal aki pa traha un sita òf sita nobo. Number di telefon ku mester yama ta 839-2137. E number aki lo ta den servisio entre 5 febrüari te ku 28 febrüari 2019 entre 8:00 di mainta i 12:00 or di mèrdia. Importante ta ku motosaikelnan por traha sita eksklusivamente na e number menshoná.

Kontrolá e VIN chasis bon!

UOVV i KPC ta hasi un yamada serio na komunidat pa na momentu di kompra di un motosaikel, chek e VIN. Tur e number i lètènan mester ta riba un liña, imprenta di mesun manera, tin mesun grandura i estilo. Si esaki no ta e kaso, probablemente e motosaikel lo tin problema pa pasa kùr.



KOMUNIKADO PA PRENSA

Si resultá ku di buena fe un persona a kumpra un motosaikel hòrta sin ku e tabata na altura di esaki, polis lo konfiská e motosaikel. Inmediatamente ta kuminsá un investigashon hudisial relashoná ku ladronisia di vehíkulo. E doño mester tuma pasonan kontra esun serka kual el a kumpra e motosaikel.